

Èkwo-ozì K'èbo, Jìonu Deru

¹ Èkwo-ozì ọwa-a shì l'èka m̀be onye e meru ọgerenya Chìochì. Onye mu ede iya anụ bụ eze-nwanyị onò, Chileke họtaru onò yẹ ndibe iya, bụ ndu mu yeru obu; opfu lẹ mu l'ephè t̀kwaru bya amaru ọkpobe-opfu onò. Mbụ-a; ọ tọ b̀kwa m̀bèdua nwèkinyi mu yeru iya obu obu. Iphe, b̀kotakpoo ndu mawaru ọkpobe-opfu onò yekọtakwaru iya phọ obu. ² Noo kẹle ọkpobe-opfu onò buwa anyi ebubu l'èhu. Ọ b̀ru g'oo-buwarurọ bụ onò; swiru anyi jasụ lẹ tuutuutu lẹ m̀jimiimii.

³ Gẹ Chileke, bụ Nna yẹ Nwa iya, bụ Jizọsu Kéreshi meeru anyi eze-iphe-ọma; phàru anyi obu-imemini; mee gẹ nchì d̀ anyi doo g'anyi gude ire-lanụ mẹ eye obu t̀gba b̀ru nanụ g'anyi t̀gbaru iya.

Ọkpobe-opfu waa eye-obu

⁴ Èhu tsòshikporu mu ọtso ike gẹ mu harụ hụma ndibe ngu; ndu ọphu eme ọkpobe-opfu onò gẹ Nna s̀ru g'anyi meje iya. ⁵ Nta-a bụ iphe, mu arwọ g̀be eze-nwanyị bụ ọwa-a: unu g'anyi yee nwibe anyi obu. Ọ tọ b̀kwa lẹ mu ederu ngu ekemu ọphúú; ọ kwa ọphu anyi natahawaru eshikpọ lẹ mbụ onò, bụ iya bụ g'anyi yee nwibe anyi obu. ⁶ Wakwa iphe, bụ n-yemobu baa: g'anyi mejeephọ iphe, ọ t̀ru l'ekemu. Wakwanụ

iphe, bụ ekemu baa: g'unu yeje nwibe unu obu, bụ iya bụ iphe ono, unu nūmaru e -shi lẹ mbụ ono.

⁷ Lẹ-a; ndu egudeje ẹregede dephua nemadzu dukwaa igwerigwe; wufu dzuru ẹkameka lẹ mgboko; ndu jikaru lẹ Jizosu byaru-a bya aburu nemadzu eviya lẹ mgboko-a. Ẹgube onye ono bụ onye obu, egudeje ẹregede dephua nemadzu; teme ọ buru iya bụ onye-achi-nta-Kéreshi obu.

⁸ Iphe unu a-kwabeerupho onwunu ẹnya iya bukwa g'unu te eme g'iphe ono, unu jeru ozi iya ono nahụ unu; tuphahụ kẹ mmanụ. Unu kwaberu onwunu ẹnya; k'ophu unu a-natadzuchia obunggo iya anatadzu.

⁹ Onyemonye, ete emejedu iphe ono, Kéreshi ziru ono g'o ziru iya; onye ono bẹ yele Chileke atugbakwaru buru nanụ. Onye emekwanụ iphe ono, Kéreshi ziru ono; ọ nọdu emerwue ya pho l'oke; onye ono bẹ yele Chileke waa Nwa iya, bụ Jizosu tugbaakwaru buru nanụ. ¹⁰ Mbụ-a; ọ -duru onye byapfutaru unu; ophu ọ bụdu iphe ono, e ziru anyi ono bẹ o gude bya; unu ta asujekpokwaanu onye ono: oshi adu; ophu unu ekelekpokwaa ya nụ ekele. ¹¹ L'onye sūru onye ono oshi-adu bẹ yee ya dukwaa ẹbo gbaru l'ejophe, oome.

¹² Mu nweru ikpoto iphe, mu gege ederu unu; ole ọ tọ bụdu ẹkwo yee mini-ẹkwo bẹ mu e-gude degbuaru unu g'ọ dū mu; iphe, mu arichia bụ lẹ mu a-kpapfutachia unu; anyi l'unu abogbawaro l'onu onwanyi; g'ẹhu atsokwanu-a anyi tsọfu l'ishi.

¹³ Ndibe nwanna ngu nwanyị, bụ onye Chileke
họtaru l'ekelekwa ngu phọ. Nokwa g'ọ dụ.

Bayiburu Izii
Izii: Bayiburu Izii Bible

copyright © 2014 Wycliffe Bible Translators, Inc.

Language: (Izii)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

c6885c7c-c550-5b8b-a4fe-4bd714af4f6d